

ԱՆԱՆԻԱ ՇԻՐԱԿԱՑՈՒ
ԲՆԱՓԻԼԻՍՈՓԱՅԱԿԱՆ ՀԱՅԱՑՔՆԵՐԸ

Կ. Տ. ԽՐԼՈՊՅԱՆ

Անանիա Շիրակացին (VII դար), յուրացնելով իր նախորդների՝ Ծղերի, Խորենացու, Դավիթ Անհաղթի և այլոց փիլիսոփայական ու բնագիտական նվաճումները և հարստացնելով դրանք իր սեփական հետազոտություններով ու անտիկ գիտության տվյալներով, հայ մշակույթի պատմության մեջ ստեղծել է առաջին ամբողջական բնափիլիսոփայական սիստեմը: Ի տարբերություն իր նախորդների նա բնափիլիսոփայության հարցերով զբաղվել է ոչ թե ուրիշ խնդիրների առնչությամբ կամ ավետարանի ու եկեղեցու հավատալիքները մեկնելիս, այլ անմիջապես որպես բնախույզ: Ավելին. միջնադարյան պայմաններում նա բնագիտությունը և հատկապես մաթեմատիկական գիտություններն է համարել իմացության մայր՝ և ոչ թե աստվածաբանությունը: Այդ գիտությունները, ըստ Շիրակացու, զբաղվում են «մարմնական» աշխարհի երևույթների ուսումնասիրությամբ: «Բնական իմաստությունը», պնդում է նա, գիտություն է բնության մեջ «բնական բերմամբ» տեղի ունեցող երևույթների մասին, և այդ երևույթները ճանաչելի են: Իսկ կրոնի ուսումնասիրության առարկան նա համարում է ոչ մարմնական, գերբնական երևույթները, որոնք անճանաչելի են²:

Ուսումնասիրության տարրեր օբյեկտներ և մեթոդներ ունենալով՝ «բնական իմաստությունն» ու կրոնը ըստ Շիրակացու չեն հակասում իրար, քանի որ «գրիւ շրէնքս ոչ բնդէմ են բնական իմաստութեան»³: Այս պատճառով Շիրակացին աշխատում է իր սիստեմի մեջ նրանց այնպես միաձուլել, որ մի կողմից անսասան մնա հավատքն առ աստված և մյուս կողմից պահպանվեն գիտության «տրամագիր ասացեալս»: Նա իրեն համարում է մի այնպիսի մտածող, որի համար ճիշտ է «ինչ միացեալն է բան յերկոյցունցն» («եկեղեցականաց և արտաքնոց»)⁴: Այդ միասնության մեջ Շիրակացին ընդունում է բնական գիտությունների բոլոր այն նվաճումները, որոնք չեն հակասում քրիստոնեական միաստվածության ուսմունքին, թեև այդ տեսակետները ժխտված լինեն եկեղեցու կողմից:

Աստվածային ստեղծագործությունն ապացուցելու համար Շիրակացին նախ բննադատում է այն մտածողներին, «որք զերկին և զերկիր անսկիզբն և անկատար ասացին»: Այսպիսիք, ըսա նրա, իրենց բացակայությամբ զրկած կնիքը տեսնելով՝ կարծում են, թե այն սկիզբ չի ունեցել: Սակայն, առարկում է Շիրակացին, սկիզբը իմանալի է ոչ թե անմիջական ընկալմամբ, այլ «մտօք»:

¹ Անանիա Շիրակացի, Մատենագրութիւն, Երևան, 1944, էջ 206:

² Նույն տեղում, էջ 314 և Ա. Շիրակացի, Տիեզերագիտութիւն և տոմար, Երևան, 1941, էջ 92:

³ Նույն տեղում, էջ 30:

⁴ Նույն տեղում, էջ 39:

պետք է մտածել, որ եղել է ժամանակ, երբ այդ կնիքը զրոշմով է, այսինքն ունեցել է իր սկիզբը: Այդպես էլ տիեզերքը պատրաստի վիճակում տեսնելով, սխալ կլինե՞ր եզրակացնել, թե այն անսկիզբ է՝ Շիրակացին համոզված է, որ տիեզերքն ունի իր լինելության սկիզբը, որի մասին իմացությունը կարող է զաղափար կազմել միայն բանականության օգնությամբ: Ի՞նչ է այդ սկիզբը:

Շիրակացու համար անվիճելի է, որ տիեզերքի սկիզբը նյութական լինել չի կարող, քանի որ այդպիսի թեզը կաաներ զեպի աստծո զոյության բացասումը: Նա քննադատում է մատերիալիստ և ավելի աստծո գնեթներին, այսինքն նրանց, ովքեր «զննախոսական խելագարություններն Բանդադուշեայ իմաստնոցն ճառիւք, որք զաստուած ոչ կամեցան ճանաչել և պատճառ լինելութեան զհիւղ, ասացին և նիւթ զոյիցս եղելոց»¹: Նա արհամարհում է նաև նրանց, ովքեր տիեզերքի հիմքում հյուսիսի փոխարեն դնում են ինչ-որ անորոշ նյութական սկիզբ²: Հասկանալով, որ մատերիալիզմը փաստորեն հանդում է աստծո ժխտման զաղափարին, Շիրակացին մերժում է այն: Ըստ նրա, նյութը սկիզբ հանդիսանալ չի կարող, քանի որ ինքը «սկսեալ է» և ենթադրում է այնպիսի ուժ, որը անսկիզբ լինելով, սկիզբ տա իր լինելությանը: Արիստոտելի նման³ Շիրակացին էլ կարծում է, թե այդ անսկիզբ սկիզբը ոչ-մարմնական է, անեղ և որ մարմնականը նրանից սկիզբ առնելով ստորադաս է նրա նկատմամբ:

Նյութից բացի, բնության մեջ Շիրակացին տեսնում է նաև շարժումը: Նա գանազանում է երկու տեսակի շարժում՝ մեխանիկական և հակադրության միջոցով առաջացող զարգացում: Եղիշեի նման նա էլ մեխանիկական շարժումը համարում է հողմերի ակտիվության արդյունք՝ «Շարժումն լինի ի հողմոց բնութենէ»⁴: մյուս շարժումը, ինչպես ավելի մանրամասն կտեսնենք ստորև, հետևանք է նյութի զոյացման և ոչնչացման ներքին հակասության: Շիրակացին, սակայն, երկու դեպքում էլ չի ընդունում նյութի ինքնաշարժումը: Նրա համար կարևոր է պարզել, թե շարժման վերջնական պատճառը ինքը շարժումն է, թե՛ անշարժ: «Թէ զոյով սոցա շարժութիւն,— հարցնում է նա,— յա՞յմ է զարուկենէ ունին սոքա զշարժին, և եթէ՛ է զարուկին որ շարժէ զսոսա, խնդրելի՛ է՝ թէ՛ ինքնաշարժ է, թէ՛ շարժուն»⁵: Շարժման առաջացումը նա անբացատրելի է համարում նույնիսկ այն դեպքում, եթե մի հինգերորդ (չորս էլեմենտներից բացի) շարժվող էություն կամ տարր ընդունվի որպես նրա վերջնական պատճառն ու սկիզբը: Արիստոտելի նման⁶ Շիրակացին էլ վերջնական շարժիչը անշարժ է համարում, քանի որ միայն այդպիսով կարող է վերանալ այն հարցը, թե որտեղից է ինքը շարժումը: Այսպիսով, անսկիզբ սկիզբը միաժամանակ անշարժ շարժիչ է, «և եթէ,— եզրակացնում է նա,— անյեղեղ և առանց վնասու և կիրս ինչ կրելոյ է զարուկինն այն, նա է աստուած արարիչ և շարժալ զամենայն»⁷:

¹ Ա. Շիրակացի, Տիեզեր ազիաութիւն, էջ 51:

² Նույն տեղում, էջ 1:

³ Նույն տեղում, էջ 5:

⁴ Արիստոտել, Մետաֆիզիկա — VIII, 6, 10, և XII, 3, 8:

⁵ Շիրակացի, Տիեզերազիաութիւն, էջ 31:

⁶ Շիրակացի, Մատենադրութիւն, էջ 321:

⁷ Նույն տեղում, էջ 322:

⁸ Արիստոտել, Մետաֆիզիկա — XII, 7, 3:

⁹ Շիրակացի, Մատենադրութիւն, էջ 322:

Ինչպես տեսանք, աստծո մասին վերոհիշյալ գիտելիքները, ըստ Շիրակացու, ձեռք են բերվում բանականության միջոցով: Սակայն այս չի նշանակում, թե նա ճանաչելի է Շիրակացին, զարգացնելով Եզնիկի այն միտքը, թե որ ինչ ի զգայնոցս շոշափի կամ զննի կամ ազդի՝ այն մարմնաւոր է, և որ զգայնոց ոչ ազդի՝ անմարմին»¹, հաստատում է, որ ճանաչելի են միայն նյութն ու բնական օրինաչափությունները, իսկ աննյութականն ու գերբնականը անճանաչելի են: Աստված որպես «անմարմին» նույնպես անիմաճայի է. մարդկային իմացությունը երբեք չի կարող ճանաչել նրա ատրիբուտները, այլ առավելագույն զեպում կարող է գիտակցել նրա գոյությունը և այն էլ ոչ իր բանականության խորաթափանցության շնորհիվ: Ըստ Շիրակացու, բանականությունը նույնպես աննյութական է և որպես այդպիսին ազդակցություն և նմանություն ունի աննյութական աստծո հետ. նրանց այդ ընդհանուր գծերի պատճառով «Լթէ ինքն իմանալին (աստուած) կամեսցի նորունն յանգակցի, մտացն ևկեսցէ ի ճառելին ոչ զորպիսութիւն զիտելով այլ զէութիւն գոյութեանն իմանալով»²: Այսպիսով, ըստ Շիրակացու, աստված նաև բանականության նմանություն ունեցող մի բան է և հիշեցնում է Արիստոտելի «նուս»-ին³:

Սխալված չենք լինի, եթե այստեղից եզրակացնենք, որ ըստ Շիրակացու, մարդ աստվածանում է իր բանականությամբ: Աստծո և մարդու այս ընդհանրությունից նա եզրակացնում է, որ այդ երկուսի միջև միջնորդի կարիք չկա⁴, մի տեսակետ, որ պակիկյանների գործունեության ծավալման ժամանակաշրջանում ավելի քան խիզախ էր: Միաժամանակ աստծո անճանաչելիության մասին Շիրակացու գրույթը հաստատել նշանակություն է ձեռք բերում VII դարում տարածվող պատկերամարտության պայմաններում: Եթե աստծո ատրիբուտները անճանաչելի են, ապա ինչպե՞ս կարելի է նրան պատկերել:

Ինչպե՞ս է ստեղծվել բնությունը: Աստված այն ստեղծագործել է միանգամից իր կատարելության մեջ, թե՛ նա միայն ստեղծել է աշխարհի էլեմենտներն ու նրանց օրինաչափությունները, որոնք զարգանալով առաջացրել են բնությունը: Սուրբ գրքի տեսակետը, որի համաձայն աստված վեց օրվա բնթացքում ստեղծեց ամբողջ բնությունը, տարածված էր միջնադարում: Հայ բնափիլիսոփայության մեջ կար նաև այն կարծիքը, ըստ որի բնությունը համարվում էր հրեց, օդից, ջրից ու հողից բաղկացած, որոնք սակայն անմիջապես աստծո կողմից շէին ստեղծվել: Աստված ստեղծել է պատրաստի երկինքն ու երկիրը, բայց քանի որ սրանք կազմված են այդ չորս տարրերից, ապա ուրեմն աստված միջնորդաբար ստեղծել է նաև այդ տարրերը: Ինչպես տեսնում ենք, այս տեսակետը նույնպես հարմարեցված է վեցօրյա արարչագործությանը: Այս տեսակետն է պաշտպանել, օրինակ, Եզնիկը, նրան վերագրվող «Վասն արարչութեան աւուրց» երկում⁵: Նրվեկացին ևս, մեկնաբանելով ավետարանի տասներորդ, գրում է. «զերկինք երկու իրք է՝ հուր և աւղ, և երկիրս երկու իրք է՝ հող և ջուր»⁶: Հետևաբար տարրերի ընդունումը որպես աշխարհի հիմք, չի հակասում Սուրբ գրքին:

¹ Եզնիկ, Եզնիկի ազանգոց, Ա գլուխ, Թիֆլիս, 1914, ԻԳ, էջ 68:

² Շիրակացի, Տիեզերագիտություն, էջ 3:

³ Արիստոտել, Մետաֆիզիկա, գլուխ XII, 3, 10:

⁴ Հայկական ՍՍԽ Մատենադարան, ձեռ. № 788, էջ 227ա:

⁵ Նույն տեղում, ձեռ. № 1098, էջ 242ա:

⁶ Նույն տեղում, ձեռ. 5619, էջ 191բ:

Շիրակացին այլ թեզ է դարգացնում: Նրա կարծիքով աստված անմիջապես ստեղծել է այդ շորս էլեմենտները. «եղեալքս ի նմանէ են թուով շորք առաջին՝ հոր, երկրորդ՝ հողմ, երրորդն՝ հող, չորրորդն՝ ջուր»¹: Դրանցից յուրաքանչյուրին նա տվել է յուրահատուկ հատկություններ ու նշել նրանց զարգացման օրինաչափությունները: Թեև բնությունը նյութական լինելով ստորադաս է անմարմին ստեղծողի նկատմամբ, բայց նրա ռեալականությունն ու բնականությունը անժխտելի են Շիրակացու համար, քանի որ նրանք «այսպէս յօրինեալ կազմեսցին բնական բերմամբ»²:

Այդ տարրերը, ըստ Շիրակացու, ունեն ինչպես իրենց հետ ստեղծված, նույնպես և ձեռքբերովի հատկություններ, որոնք բոլորն էլ բնական են: Տարրերի անբաժանելի հատկություններից մեկը տարածականությունն է, որը հետեանք չէ հատուկ ստեղծագործության, այլ նյութի ատրիբուտն է: Տարածությունը գոյություն է ստացել տարրերի ստեղծագործությանը զուգահեռ: Քանի որ նյութը պարտադիր կերպով ենթադրում է տեղ, ասում է Շիրակացին, ապա որտեղ նյութ, այնտեղ տարածություն: Տարրերի «արարիչն յառաջագոյն նախախնամութեամբն տեղի ոչ պատրաստուր, քանզի մարմին գործէր, իսկ մարմնոյ դիրք հաստատութեամբ պիտոյ էին, իսկ հաստատութիւն նախ և առաջին՝ որ զտեղին ունիցի»³: Ի սկզբանէ է նաև տարրերի համապատասխան քաշը: Հուրը շորս տարրերից տմենաթեթեւն է, նա «նուրբ և անօսը» է և ստացել է ամենակատարյալ ձևը՝ կլորությունը, որով և պայմանավորվում է ամբողջ տիեզերքի ձևը⁴: Շիրակացու մոտ նկատելի է այս տարրին տրված դերապատվությունը, մի բան, որ նկատելի է ինչպես Արիստոտելի, այնպես էլ ստոիկների և Պտղոմեոսի մոտ: Նա նույնիսկ պնդում է, որ հրից կազմված տիեզերքի վերին շերտը «ոչ յումեքէ և ոչ ոք ի նմանէ, ինքն յինքէն է, ինքն առանձինն մարմին, անհատ, անտեղիտալի, անկորանելի, անխորշ, անզոզ, պատ առեալ զամենայնի»⁵: Այսպիսով, ի շեղումն իր ընդհանուր սկզբունքներից, Շիրակացին հավանական է համարում, որ մարմնականը կարող է իր առաջաման պատճառը ունենալ ինքն իր մեջ:

Ջուր տարրը օգի հետ համեմատած նույնպես «անօսը և նուրբ է», բայց օդից ծանր է⁶: Օդը իր հերթին միաբաշ չէ, ցրտության և թանձրության պատճառով լինում է ավելի ծանր օդ, որը «ի ներքոյ ի մէջ նորա (երկնքի) շուրջ դերկրաւ պրկեալ ունի»⁷: Ծանր օդը ներքևումն է, իսկ թեթեւ՝ ավելի վերևում: Այս առթիվ հետաքրքիր է Շիրակացու այն միտքը, որ ցրտությունն ու խտությունը սերտորեն կապված են իրար հետ և որ խտության պատճառը ցրտությունն է, իսկ մարմնի ծանրությունը կախված է նրա խտությունից:

Ջուրն ու օդը սեփական ձև չունեն և ընդգրկված լինելով կլոր տիեզերքի մեջ, ստանում են նրա ձևը: Տարրերից ամենածանրը հողն է:

Ի սկզբանե գոյություն ունեն հրի տաքության, օգի խոնավության, ջրի ցրտության և հողի ցամաքության հատկությունները: Բայց քանի որ նրանք

¹ Շիրակացի, Տիեզերագիտություն, էջ 3:

² Նույն տեղում, էջ 11:

³ Նույն տեղում, էջ 4:

⁴ Նույն տեղում, էջ 31 և 6:

⁵ Նույն տեղում, էջ 5:

⁶ Նույն տեղում, էջ 31:

⁷ Նույն տեղում, էջ 6:

դտնվում են շարժման մեջ, շփվում են իրար հետ, այդ պրոցեսում միմյանցից վերցնում են նոր հատկություններ: Այս նշանակում է, նախ, որ բնության սամ-նաէական բաղադրիչ տարրերը իրենց ստեղծման ժամանակ կատարյալ չեն եղել և որ նրանք զարգացման ընթացքում՝ ունեցել են ոչ թե սովորական աճ, այլ ձեռք են բերել նորանոր հատկություններ: Այս նաև նշանակում է, որ այն, ինչ «ի սկզբանէ» է մի տարրի համար, մյուսի համար կարող է ձեռք բերովի լինել, այսինքն՝ ստեղծագործության ժամանակ ստացված հատկությունները իրենց այդ որակի մեջ բացարձակ չեն: Այսպես օրինակ, «յանկուլինն է հրոյ և հողոյ առ միմեանս»¹: Եղբ հրի հետ շփվելով՝ ձեռք է բերում նաև նրա ջերմության հատկությունը, իսկ հուրը իր հերթին «առ միմեանս հաղորդութեամբ» ստանում է հողի ցամաքության հատկությունը, հողը՝ ջրի ցրտությունը, և ջուրը՝ օդի խոնավությունը²: Իրենց այդպիսի տարրերություններով ու բնոգնություններով, այդ տարրերը հանդես են գալիս մի ամբողջական միասնության մեջ:

Տարրերի իրար կապակցող այսպիսի օգակների գոյության շնորհիվ հնարավոր են դառնում նրանց միակցությունները. որի հետևանքով տիեզերքը պահպանում է իր տեղականությունը: Դրանք մտնելով բաղմազան կապակցությունների մեջ, պատճառ են հանդիսանում բնության իրերի և երևույթների լինելության, նման, աճման, նվազման ու մահացման: Ամբողջ անօրգանական աշխարհը և նույնիսկ արյունը, շունչը, ուղեղը, կենդանիներն ու մարդը արդյունք են այդ տարրերի բաղադրումներին, մի պրոցես, որի նորմալ ընթացքին չի միջնորդում առաված: Արփուց, որը գտնվում է տիեզերքի ծայրագույն շերտում, արեգակը ստանում է լույսն ու ջերմությունը, որը մինչև երկիր հասնելը, խառնվելով հաջորդ շերտում գտնվող օդի հովտության ու խոնավության հետ, երկրագնդի վրա գոյություն ունեցող ջրերի օգնությամբ կենդանացնում է հողը: «Բույսը խոտոց և պտուղը ծառոց և շարժուն կենդանատեսակք. շնչաւորք և ամենալն սողուն և հետեակք, թռչուն և զեռականք, դադանք, անասունք»՝ հետեանք են 4 տարրերի այդպիսի միակցությունների: Նրանց ներգործության հետևանք են նաև «նուաղութիւնք և աճմունք, ապականութիւնք մարմնոյ, լըրմունք և պակասութիւնք ուղղոց անասնոց և մարդկան, նոյնպէս արեանց և չնոց առ ի լինելութիւն և ապականութիւն»³: Այս բոլորը լինում են նյութական տարրերի բնական ներգործության շնորհիվ: Չկա այդտեղ ոչ մի գերբնական ուժի միջնորդություն. իրերը լինելություն են ստանում «բնական բերմամբ»:

Շիրակացին այս անգամ էլ բնոգնում է հրի առավել կարևոր նշանակությունը. ըստ նրա, օրգանական աշխարհի ապականության հիմնական պատճառը տարրերի տվյալ միացությունից հրի նվազումն է: Ինչպես տեսանք, կյանքի վարդացման գործում հիմնականը ջերմությունն է՝ խառնված հովտության և խոնավության հետ, իսկ հրի և ջրի այս միացության մեջ «եթէ առաւելու հրայինն՝ նուաղեցուցանէ՝ զխոնաւայինն. և խոնաւումն բաղմեցեալ գհրային պակասեցուցանէ. ընդ նմին աւելն՝ որ է շունչն՝ ի բաց բառնայ զջերմութիւն, վճարի ի կենդանութենէ մահուամբ»⁴: Այստեղից կտրուկ ենք եզրակացնել, որ կենսատվու-

¹ Շիրակացի, Մատենադրութիւն, էջ 318:

² Շիրակացի, Տիեզերագիտութիւն, էջ 4:

³ Նույն տեղում, էջ 30—31, Մատենադրութիւն, էջ 312:

⁴ Շիրակացի, Մատենադրութիւն, էջ 319:

թյան սկզբնապատճառը նույնպես նյութականն է. «Շունչն է որ է օդ»։ Միաժամանակ նկատելի է, որ ըստ Շիրակացու ոչ միայն լինելությունը, այլ նաև ապականությունը, մահն էլ բնական երևույթ են՝ հետևանք ջերմության պակասի։

Շիրակացին հասկանում է, որ վարդագման շղթան մահվամբ վերջանալ չի կարող. նրա համար մահը մի այլ լինելության սկիզբ է և այդ պատճառով էլ աշխարհի տեղությունը անվերջ է։ Նրկրի «կենդանաժնությունը և տեղականությունը» հետևանք են լինելության և ապականության միասնության, որի ծայրաթևերի հակասական բնույթի մասին Շիրակացին շունի ոչ մի կասկած։ Միասնականության մեջ գտնվող լինելությունն ու ապականությունը շղնչացնող, հարատև, անփնաս հակադրություններ են։ Կարող է այստեղից կասկած առաջանալ, թե նա հավանական է համարում նաև չար, վնասակար հակասությունների գոյությունը։ Այդպիսի վարկածի համար մենք չունենք և ոչ մի հիմք։ Սակայն անվիճելի է, որ Շիրակացին բնական իրերի և երևույթների վարդագման մեջ տեսնում է երկու հակադիր ծայրաթևերի միասնությունը և որ կարելի է, հակադրությունը համարում է սեալ գոյություն ունեցող, իրերի և երևույթների էությունից բխող։ Նրա համար «լինելությունն ից է սկիզբն ապականության և ապականությունն դարձեալ անդին ից է սկիզբն լինելության. զի այսմ տնփնաս հակառակություն է աշխարհ առց է գտեղություն»¹։ Այսպիսով, թեև շարժման ու վարդագման վերջնական աղբյուրը աստված է, սակայն ամբողջ բնության վարդագմումը կատարվում է «բնական բերմամբ»։ Շիրակացին տեսնելով բնության վարդագմումը, աշխատում է այն բացատրել ամենաընդհանուր ձևով՝ որպես երկու հակադիր ուժերի քայքայման ու ծաղման միասնական պրոցես։ Նա շարժումը, վարդագմումը բացատրելիս հատկապես ընդգծում է բացասումը, բայց չի կարողանում և չէր էլ կարող բացահայտել շարժման էությունը, նրա իսկական պատճառը։ Սխալ կլինեի սակայն, պատկերացնել, թե Շիրակացին հասավ հակադրության միասնության և պայքարի գաղափարին։

Ինչպես տեսնում ենք, ըստ Շիրակացու, նյութի ստեղծագործությունից հետո աստված որպես զանոն չի միջնորդում բնության վարդագման նորմալ ընթացքին, բայց այդ չի նշանակում, թե աստված անկարող է այդ անել, եթե ցանկանա օգնել, պատժել կամ խրախուսել մարդկանց։ Նրա հրամանով տեղի են ունենում շեղումներ, օրենքի խախտումներ, որոնք չեն համապատասխանում բնության ընդհանուր օրենքներին և այդ պատճառով էլ անձանաչելի են։ «Եթե աստուածային ինչ հասանէ հրաման,— դրում է Շիրակացին,— փոփոխին տարերց բնությունք... որ է արտաքոյ բնութեան» և նրա պատճառները «նորա աստուածութեանն են ծանաթի և անդէտք ի մարդկանէ. իսկ որ բնական բերմամբ հրամայեցաւ լինել, այնմ կարող եմք հասու լինել»²։

Այսպիսով, Շիրակացին նկատում է, որ բնության մեջ ամեն ինչ կատարվում է օրինաչափորեն. սովոր երևույթների համակցությունը բոլոր դեպքերում և պարտադիր կերպով առաջացնում է մի այլ երևույթ։ Օրինակ, արեգակի օրինաչափ սլուծված երկրի շուրջը հանդիսանում է տարվա եղանակների փոփոխության պատճառը, մթնոլորտում ցրտության այսինչ կամ այնինչ վիճակը

¹ Շիրակացի, Տիեզերագիտություն, էջ 31։

² Շիրակացի, Մասնագրություն, էջ 324։

առաջացնում է անձրև կամ ձյուն և կամ կարկուտ, լուսնի, երկրի և արեգակի համապատասխան դիրքի հետևանքով տեղի է ունենում խավարում. որի օրինաչափությունների հիման վրա Շիրակացին կատարում է հետագա խավարումների կանխատեսումներ: Միաժամանակ նա նկատում է, որ լինում են այդ օրինաչափություններից շեղումներ, պատահականություններ, ինչպես օրինակ, «ձմեռնային ժամանակի ջերմութիւն, կամ յամառային ցրտութիւն և ձիւնաբերութիւն և շնչումն սառնամանեաց, որ է արտաքոյ բնութեան ժամանակի»¹: Շիրակացին չհասկանալով այդպիսի պատահականությունների էությունը և նրանց կապը բնական օրինաչափությունների հետ, նրանց վերագրում է աստվածային ծագում ու համարում անճանաչելի, ի տարբերություն անհրաժեշտության, որը ինչպես տեսներ, ըստ նրա, ճանաչելի է:

Շիրակացու համար բնության օրինաչափ զարգացումը անվերջ է իր տեղությունում, բայց սահմանափակ է տարածության մեջ, քանի որ ինքը տիեզերքը սահմանափակ է: Արիստոտելի նման նա էլ առաջին շարժիչից, միաստվածությունից բխեցնում է մի սահմանափակ տիեզերքի գոյությունը: Միայն «շարժիչի ստոփաները», որոնք ժխտում են միաստվածությունը և ընդունում են նյութի առաջնայնությունը «երկինս բազումս և աշխարհս անհամարս ասացին»²: Բայց եթե նա տարածականությունը անմիջապես կապում էր նյութի հետ, ապա ժամանակը համարում է շարժման հետևանք. «ժամանակ անզուգուր ընթացք, երկհաւասար պտտահ, երկանցիկ, փոփոխաչափ բերման, և հոլովն արտասանեալ յաճտեսս»³: Թեպետև հարցի այսպիսի ըմբռնումը Շիրակացու մոտ չի վերաճում ժամանակի՝ որպես նյութի գոյության ձևի գաղափարին: Ժամանակը նա կապում է լուսատուների շարժման հետ և ստացվում է այնպես, որ եղել է մի շրջան, նախքան լուսատուների առաջացումը. երբ շարժումը տեղի է ունեցել միայն տարածության մեջ: Ժամանակը ունի սկիզբ և անվերջ է, ինչպես նյութն ու տարածությունը, բայց նրանց պես սահմանափակ չէ:

Եթե բնության բազմազանության առաջացման և զարգացման պրոցեսում վճռական դեր էին կատարում տարրերի տարրության, ցրտության, ցամաքության, խոնավության, նրբության և նոսրության հատկությունները, ապա ամբողջական տիեզերքի կառուցման ընթացքում որոշիչ է հանդիսանում նրանց ծանրությունը: Հուրը, հանդիսանալով նրանցից ամենաթեթևը, բարձրանում է վեր ու կազմում է տիեզերքի վերին շերտը՝ առաջին երկինքը, որը բոլորած է ու գտնվում է անընդհատ շարժման մեջ: Նա այդ շարժումը ստացել է առաջին շարժիչից: Նրա պտույտը «է անզաղար երազութեամբ անչափելի և անթուելի և անտեսանելի»⁴: Վերին երկինքն իր մեջ է ընդգրկում այն ամենը, ինչ գոյություն ունի և իր շարժումը հաղորդում նրան: Նա իր ձևով է պայմանավորում նաև երկրորդ երկինքը, որը կազմված է անձն օդից և ջրից: Հրային շերտին անմիջապես հաջորդում է ջուրը, որը ցած չի թափվում ներքևից փչող հողմերի ճնշման շնորհիվ: Զրին հաջորդում է օդի շերտը. որ ինչպես տեսանք, լինում է երկու տեսակ՝ թեթև և ծանր: Այդ բոլորին հաջորդում է ամենածանր տարրից՝ հողից բաղկացած երկիրը: Պետք է նշել, որ տիեզերքի կառուցման այս սխեման տարրեր մեկնարանություններով ընդունված է եղել շատ հայ միջնա-

¹ Շիրակացի Մատենադրութիւն, էջ 324:

² Շիրակացի. Տիեզերագիտութիւն, էջ 4—5:

³ Նույն տեղում, էջ 69:

⁴ Նույն տեղում, էջ 6:

դարյան մատենագիրների, ինչպես օրինակ, Եղիշեի, Ջափարիա Չազեցու, Երզրեկացու, Տաթևացու և այլոց կողմից:

Նրանք բոլորն էլ տիեզերքի այդպիսի կառուցվածքը նմանեցրել են ձվի, ինչպես Անանիա Շիրակացին¹։ Հետևաբար մեր կարծիքով, ճիշտ չեն այն ընկերները, որոնք Շիրակացու կողմից բերված ձվի օրինակը հիմք են համարում պնդելու, որ ըստ նրա, երկիրը կլոր է։ Միաժամանակ մենք չենք ընդունում նաև այն սխալ տեսակետը, ըստ որի «Տիեզերագիտության» մեջ Շիրակացին պաշտպանել է երկրի տափակության ուսմունքը։ Միջնադարյան մեծ գիտնականը միշտ էլ ընդունել է երկրի գնդաձևությունը, բայց այն արտահայտել է ոչ թե ձվի օրինակով, որը մենք հանդիպում ենք երկիրը տափակ համարող բազմաթիվ հեղինակների մոտ, այլ ավելի լուրջ տեսական հիմնավորումների միջոցով։

Հրից, օդից և ջրից կազմված երկինքները Շիրակացին բաժանում է յոթ գոտիների։ Արիստոտելը ու Պտղոմեոսը երկնային գոտիների բաժանումը կատարել էին, նկատի առնելով առանձին-առանձին երկնային մարմինների շարժման շառավիղները, զրանցից են՝ Լուսնի գոտի, Լուսարների գոտի, Արեգակի գոտի և այլն։ Իսկ Շիրակացին իր բաժանման հիմքում դնում է տիեզերքի զարգացման պրոցեսում յուրաքանչյուր գոտու կատարած դերը։ Այսպես, ուրեմն, վերին շերտում գտնվում է արփին՝ լուսի և ջերմության աղբյուրը, որին հաջորդում է «սառնեցեալք» կամ «ցրտաբնակ» գոտին, որը շեղոքացնում է արփուց եկող ջերմության սաստիկ կիպիչ հատկությունը։ Երրորդ տեղը գրավում է «այրեցանոդ» կամ «շարահյուսակ» գոտին, որը, ըստ երևույթին իր անունը ստացել է իր կապակցող ֆունկցիայի պատճառով, հաջորդը «անգոն Կոռոնավոր» կամ «մեծասիր» կոչվող գոտին է սիր-խոնավ, մեծասիր-մեծ խոնավություն ունեցող։ Այս գոտին, ըստ երևույթին, այն է, որտեղ արփուց եկող ջերմությունը խառնվում է օդի խոնավության հետ։ Խառնարանքը՝ հինգերորդ պարունակը, այն վայրն է, որտեղ տեղավորված է արևը, որը երկրի վրա է անդրադարձնում արփուց ստացած լույսն ու ջերմությունը։ Լուսինն ու հինգ մոլորակները գտնվում են զեղեցկական կոչվող վեցերորդ գոտում։ Վերջին պարունակը, որը անմիջապես շրջապատում է երկրին, Շիրակացին անվանում է խոնարհ գոտի, որտեղ տեղի են ունենում որոտն ու փայլակը, առաջանում են անձրևն ու ձյունը²։

Երկինքների կազմությունը բացատրելու հատուկ կարիք չէր զգացվում, քանի որ նրանք կազմված էին համարվում մաքուր հրից, ջրից և օդից։ Իսկ ինչպե՞ս է կազմվել երկիրը։ Ըստ Շիրակացու, երկիրը չորս տարրերի մի խառնուրդ է, որի հիմնական բաղադրիչ մասը հողն է։ Հողի նոսր ու ցանուցրիվ մասնակիները միանում են ջրի խոնավությանը. այդ խառնուրդը (շաղախը) գտնվելով շրջապատի օդի ճնշման և իր ծանրության հակառակ ուժերի միջև, սեղմվում է և առաջացնում կարծր երկիրը։ Ճնշման մամանսիկ ավելորդ ջուրը մղվում է դեպի մակերեսը և հավաքվելով կազմում ծովերն ու օվկիանոսները³։

¹ Հայկական ՍՍԽ Մատենագրարն, ձև. № 1521, էջ 309բ, 1981, էջ 181բ, 4517, էջ 424բ, Հովհաննես Երզնկացի, Տետրակ համառոտ, էջ 5 և Երիզուր Տաթևացի, Երբ հարցմանց, էջ 181, 183։

² Շիրակացի, Տիեզերագիտութիւն, էջ 30—31 և Մատենագրութիւն, էջ 312, 325—326։

³ Շիրակացի, Տիեզերագիտութիւն, էջ 9։

Երկիրն, այսպիսով, կազմվել է «բնական բերամար» և այդ պատճառով էլ ճանաչելի է մարդու կողմից:

Ինչպես է ծանր երկիրը կանգնում մթնոլորտում շրջապատված իրենից թեթև օդով և ջրով: Միջնադարյան բնափիլիսոփայության համար այս հանգիստացել է կարևոր խնդիրներից մեկը: Հայ մատենագրության մեջ այս հարցը ստացել է զանազան լուծումներ: Երկիրը ջրերի վրա հաստատված կարծող մտածողներից մի մասը գտնում են, որ կլոր երկնքի հարավային մասի, երկրի ու ջրի միջև ոչինչ գոյություն չունի. այն կանգնում է իր տեղում աստծո հրամանով: Այս տեսակետը պաշտպանել է, օրինակի համար, Եղիշե¹: Իսկ Եղիշեն պնդելով, որ ծանր երկրի իրենից թեթև երկնքում կանգնելը անբնական է ու աստվածային գործ, աշխատում է բացատրել տվյալ երևույթը: «Քանի որ իր (երկրի) բնական ծանրությունը չի թողնում իրեն վեր բարձրանալ, իսկ ներքևից հողմերի ուժը (չի թողնում) վայր ընկնել, այսպիսով բոլոր կողմից (երկրի) հավասարակշռվելը (նրա) հաստատ կանգնելու պատճառն է: Դրիգոր Տաթևացին փաստորեն կրկնում է Եղիշեն², իսկ Հովհաննես Երզնկացին, ազդվելով Շիրակացուց, ավելացնում է մի գործոն ևս. «Երկիրն իր արագ շրջագալությամբ չի թողնում, որ երկիրը բնիկ (երկնքի) ներքին կիսագունդը»:

Շիրակացին նույն տեսակետն է պարզացնում, միայն այն տարբերությամբ, որ նա խոսում է ոչ թե տափակ երկրի մասին, այլ գնդաձև:

Խոսելով տիեզերքի կառուցվածքի մասին, նա հայտնում է այն միտքը, որ երկիրը շրջապատված լինելով ցուրտ ու պինդ օդով՝ պահվում է նրա կողմից³: Մի այլ աշխատության մեջ խորացնելով իր այս տեսակետները, Շիրակացին գրում է. «Եւ ի ներքոյ (երկնի) փակեալ ունի զմեծս զայս աշխարհ և զսաստկութիւն հողմոց. զի նորա (երկրի) շրջապատութեամբն իբրեւ կամար իմն ձևանայ և աւղոյն անաւորութեամբն իբրեւ յաման ինչ ըմբռնեալ որպէս ջուր ի խեցեղէն ինչ կամ նիւթեղէն աման ըմբռնեալ պահի լուծութեամբ»⁴: Այսպիսով, երկիրը շրջապատող հողմերը, որպես կամար կամ նյութական աման, պահում են երկիրը և ոչ մի կարիք չեն զգում գերբնական ուժերի միջնորդության: Մի այլ գլխում նույն հարցին տարբեր տեսանկյունից մոտենալով՝ Շիրակացին ավելացնում է. «Քանզի երկիրս շորեքկուսի, ի միջոցի երկնի կառուցաւ, ոչ թոյլ տայ սմա երկին իւրով երագութեամբն ի ներքեւ կիսագունդն խոնարհել. րանզի երկիր իւրով ծանրութեամբն հակէ ի վայր իջանել և հողմն իւրով ուժգընութեամբն ջանայ ի վեր բերել զնա: Եվ ոչ ուժգնութիւն հողմոցն թոյլ տայ ի վայր իջանել և այնպէս զհաւասարակշիւ կետն կալեալ կայ»⁵: Երկիրը պահվում է ոչ միայն շրջապատող օդի շերտով, այլ նաև այդ օդի հոսանքի և երկրի ծանրության միջև ստեղծված ուժերի հավասարակշռությամբ: Երկիրը ձգտում է ցած ընկնել, իսկ հողմը այն վեր է բարձրացնում, որի շնորհիվ երկրագունդը պահում է իր դիրքը: Երկրի դիրքի պահպանմանը օգնում է նաև սոսկալի արա-

¹ Եղիշե, Եղծ աղանդոց, էջ 136:

² Լ. Պաշիկյան, Եղիշեի «Արարածոյ մեկնութիւն» աշխատությունը: Դիսերտացիոն աշխատանք, գտնվում է Պետ. համալսարանում, էջ 170 և 181:

³ Գրիգոր Տաթևացի, Գիրք հարցմանց, էջ 181 - 182:

⁴ Հովհաննես Երզնկացի, Տետրակ համառոտ, էջ 4-5:

⁵ Շիրակացի, Տիեզերագիտութիւն, էջ 6-7:

⁶ Շիրակացի, Մատենագրութիւն, էջ 318:

⁷ Շիրակացի, Տիեզերագիտութիւն, էջ 9-10:

գույթամբ պատվող երկինքը, որի մեջ պարփակված է երկրագունդը: Ինչպես այժմյան ֆիզիկան էլ ընդունում է, արագ շարժվող մարմինների բովանդակությունը թափվել կամ ընկնել չի կարող:

Միջնադարյան աստվածաբանությունը հանդում էր այն եզրակացության, որ երկիրը տափակ է, այնպես որ հնարավոր է կանգնել խիստ բարձր լեռան գագաթին ու տեսնել աշխարհի թագավորություններն ու նրանց փառքը: Աշխարհի կլորության ու տափակության կողմնակիցների միջև տարվող պայքարը, այսպիսով, ստանում էր ոչ միայն բնագիտական ու մասնավոր բնույթ, այլ լուրջ գաղափարական նշանակություն: Հաստատել երկրի կլորության ուսմունքը, կնշանակեր չհամաձայնվել ավետարանի հետ, հերքել մարգարեների, առաքյալների ու նույնիսկ «աստծու բերանից» լսված խոսքերը: Այս պատճառով, միջնադարյան կրոնական տիեզերագիտությունը շատ բան վերցնելով Պտղոմեոսի սխեմից, ամեն կերպ աշխատում էր հերքել նրա կողմից դարդացված երկրի գնդաձևության ուսմունքը: Ըստ միջնադարյան տիեզերագիտների, կլոր երկնքի մեջտեղում կանգնած է տափակ երկիրը, որը ունի չորս կողմ, օրինակ, Զաքարիա Չաղեցի կաթողիկոսը այդ մասին գրում է. «և նույնպե՛ս աստուած զցամաքն երկիր, զի երկու երիցս ծայր ունի, երկայն՝ դարեկես և զարևմուտքս և երկու ի լայն՝ զհիսսիս և զհարավ»¹: Հայ իրականության մեջ այդ տեսակետն է պաշտպանել նաև Գրիգոր Տաթևացին²: Այդ տեսակետը տեղ է գտել նաև Յայսմավուրքում³:

Այլ մատենագիրների կողմնակի ասածներից կարելի է նույնպես եզրակացնել, որ նրանք էլ պաշտպանել են երկրի տափակության ուսմունքը: Եղնիկը կարծում է, որ արևը գիշեր ժամանակ լեռների ստորոտով էտ է վերադառնում զեպի արևածագի վայրը⁴: Եղիշեն համարյա նույն տեսակետն ունի. ըստ նրա, արեղակը գիշերը ընթանում է «յայն կույս լերանցն հիսսիսոյ» և ընկնում է օվկիանոսի մեջ, որի հետևանքով առավոտյան իր հետ բերում է ցող⁵: Դավիթ Անհաղթը կարծես երկրի կլորությունը թեական է համարում, երբ կասկածում է անտիպոդների գոյության մասին: Խորենացին թեև բարձր է գնահատում Պտղոմեոսին, սակայն երկրի կլորության նրա ուսմունքի մասին ոչինչ չի ասում: Այսպիսով միջնադարյան Հայաստանում նույնպես լայն պաշտպանություն է գտել երկրի տափակության ուսմունքը:

Այդ տեսակետը բխում էր Սուրբ գրքում բազմիցս կրկնված այն թեզից, որ երկիրը շրջապատված է ծովով և հաստատված է նրա վրա⁶: Այդպես է համոզված Հովհաննես Իմաստասերի նման մի գիտնական, որը գտնում է, որ երկիրը «Բ վերա ծովու հիմունս էարկ բարձրեալ երկրի և ի վերա դետոց պատրաստեաց զնայ»⁷: Հայ բնագիտության պատմության մեջ նույն տեսակետն են արտահայտել նաև Եղնիկը⁸, Եղիշեն, Զաքարիա Չաղեցին⁹, Հովհաննես Երզն-

¹ Մաթեոս Առաքյալ, գլ. Դ, Աճ 8:

² Հայկական ՍՍԽ Մատենադարան, ձեռ. № 1521, էջ 311բ:

³ Գրիգոր Տաթևացի, Գիրք հարցմանց էջ 17, 210 և 211:

⁴ Հայկական ՍՍԽ Մատենադարան, ձեռ. № 4517, էջ 425ա:

⁵ Եղնիկ, Եղծ աղանդոց, էջ 131:

⁶ Է. Խաչիկյան, Եղիշեի «Արարածոց մեկնություն» աշխատությունը, էջ 178:

⁷ Գիրք չորս, Թ, 6 և Սաղմոս ԻԴ, 2:

⁸ Հովհաննես Իմաստասերի մատենագրություն, Երևան, 1956, էջ 304:

⁹ Եղնիկ, Եղծ աղանդոց, էջ 133—137:

¹⁰ Հայկական ՍՍԽ Մատենադարան, ձեռ. № 1521, էջ 311բ:

կացին¹ և այլ մտածողներ: Այս պատճառով էլ երկրի կտրությունը ընդունող որևէ մի մտածող նախ պետք է հերքեր Սուրբ գրքի միջնադարյան այդ սխալ տեսակետը:

Շիրակացին հակադրվելով նրանց, տառնց վարանելու ժխտում է երկրի չրի վրա կանգնած լինելու տեսակետը. «Ջրոց ի վեր ունել զերկիր տարակուսին միտքս, թէ զիարդ ի վերայ այնչափ բնութեան ջուրց կայցէ անչափ ծանրութիւն երկրիս և ոչ ընկղմի»²: Նա Սուրբ գրքի տեսակետը ընդունելը համարում է խելագարություն: «Զծովէ ասեն, — գրում է նա, — խելագարեալ փիլիսոփայքն հեթանոսաց, թէ պատ առեալ զերկրաւ, և ի միջի ծովու է երկիր որպէս կղզի մի և ջուր ի վերայ օդոյ և ի կողմանէ»³: Նա խիստ կերպով քննադատում է նաև Կոզմա Ինդիկոպրեսին, որը իր «Քրիստոնեական տեղագրութեան» մեջ պարզապէս է երկրի տափակութեան ուսմունքը⁴: Ըստ Շիրակացու «Ոչ դոյ այլ ծով արտաքոյ երկրի»⁵: Ելնելով երկրի կտրությունից ու հենվելով նավագնացության պրակտիկայի վրա, նա կռահում է, որ այնպես, ինչպես Միջերկրական, Հնդկական և Կասպիական հայտնի ծովերը շրջապատված են ցամաքով, այդպես էլ հաղադականն ու Ատլանտյանը պետք է ունենան իրենց շրջապատող ցամաքը⁶: Ընդգծելու համար Շիրակացու այս տեսակետի պրոգրեսիվ նշանակությունը և հակակրոնական բնույթը, մեջ բերենք Պետրոս Առաքյալի հետևյալ խոսքերը. «Քանզի նրանք (քրիստոնեությունը ծաղրողները) մոռացել են այն բանը, որ երկինքը առաջուց եղավ և որ երկիրը ասածու հրամանով ջրերից առաջացավ և ջրերի վրա հաստատորեն կանգնել է»⁷:

Աշխարհը համարելով մի գոնդ, Պողոսյանի նման Շիրակացին այն բաժանում է 360 լայնության աստիճանների, 180-ը ընդգրկում է հայտնի և բնակված կիսագունդը՝ Սպանիայի ծայրագույն մասից մինչև Չինաստանի ծայրը: Մնացածը համարվում է անծանոթ երկիր ու ծով: Երկրագունդը բաժանում է նաև հյուսիսային և հարավային կիսագնդերի: Հյուսիսային կիսագնդում որպես հայտնի երկիր նա նկարագրում է միջօրեականից վեր ընկած 63 աստիճանը, մնացած հյուսիսային մասերը համարվում են անհայտ: Հարավային կիսագնդից աշխարհագրության մեջ նա նկարագրում է մինչև 17 աստիճանը⁸: Պատճառարանելով, թե ինչու է ինքը երկրագնդի այդքան մասը միայն նկարագրում, Շիրակացին գրում է. «Բայց թէ և է շուրջ պանծանալի երկրաւ ծով կամ շուրջ պանծանալի ծովու երկիր, մեր անհաս եղեալ մտածութեանց, լռեմք և գրեմք զայս միայն, զոր կոխեաց ոտն և ետես ակն մարդոյ»⁹: Այստեղից հանգում ենք նաև այն եզրակացության, որ Շիրակացու աշխարհագրության հիմքում ընկած է ծովագնացության և ճանապարհորդության պրակտիկան և ոչ թե վերացական ու դոգմատիկ եկեղեցական սկզբունքներ:

¹ Հոմ. հանես. Երգնկացի, Տետրակ համառոտ, էջ 6—7:

² Շիրակացի, Տիեզերագիտութիւն, էջ 12:

³ Նույն տեղում, էջ 15:

⁴ Շիրակացի, Մատենագրութիւն, էջ 338:

⁵ Շիրակացի, Տիեզերագիտութիւն, էջ 15:

⁶ Շիրակացի, Մատենագրութիւն, էջ 339:

⁷ Երկրորդ թուղթ Պետրոսի 'Ի, 5:

⁸ Շիրակացի, Մատենագրութիւն, էջ 337—339:

⁹ Նույն տեղում, էջ 339:

Նրկրազնդի հայտնի մասի կլիմայական պայմանները նկատի առնելով, Շիրակացին այն բաժանում է յոթ կլիմայական գոտիների: Հետաքրքիր է այրեցյալ դոտու տված նրա բացատրությունը: Այրեցյալ գոտին, առում է նա, բաժանում է բնակված հայտնի երկիրը հարավային կիսագնդից, որը կոչվում է «բնդդեմ երկիր» և որը հյուսիսային կիսագնդից ավելի փոքր տարածություն ունի: Ըստ Շիրակացու, հարավային կիսագնդում գոյություն ունեն նույն կլիմայական գոտիները, ինչ որ հյուսիսայինում¹:

Նրա համար կատկածից վեր է, որ աշխարհը չի սահմանափակվում ժամանակի գիտությունը ծանոթ երկրներով ու ծովերով: Այժմ առաջանում է մի նոր հարց, արդյոք այդ անհայտ ցամաքում գոյություն ունի՞ կյանք, կա՞ն արդյոք հակոտնյաներ:

Միջնադարյան եկեղեցին, հերքելով երկրի կոսմոսիկոս ուսմունքը, հերե-տիկոսություն էր համարում հակոտնյանների գոյությունն ընդունելը: Բարսեղ Կեսարացին նույնիսկ այդպիսի հարցադրումը համարում էր ցնորեցուցիչ, միայն ճշմարտությունից շեղող: VI դարում Գտգայի եպիսկոպոս Պրոկոպիոսը հենվելով առաքյալների ու մարգարեների ասույթների վրա, եզրակացնում էր, որ եթե հակոտնյաններ լինեին, ապա Քրիստոսի ուսմունքը նրանց ավետված կլիներ: Հակոտնյաններ հակոտնյանների գոյությունն ընդունող մտածողներին հիմար ու անխելք էր համարում, իսկ Կողմա Բնդիկոպլեսը այդ թեզը արսուրդ ու հեթանոսական էր անվանում: Նույն հիմքերից ելնելով, Եզնիկը նույնպես ժխտում է անտիպոդների առկայությունը², իսկ Գավրիլ Անհաղթը այն համարում է կատկածելի: Շիրակացին տեղյակ այս բոլորին և համոզված, որ մարգարեների, ավետարանի և եկեղեցու հայրերի կողմից մերժվում է հակոտնյանների գոյությունը, այնուամենայնիվ ընդունում է, որ նրանք գոյություն ունեն: Թեպետ և լսելի մարգարեից և յամենայն աստուածային գրոց ի վարդապետաց եկեղեցուց, — դրում է Շիրակացին, — եթե ոչ գոն, այլ ներքոյարձակք կենդանիք, ևակայն ևս հաւանեալ էի բնդդիմոտունս մեզ լինելը³:

* * *

Մինչև այժմ շարադրեցինք Շիրակացու հայացքները երկրի և նրա վրա կատարվող փոփոխությունների մասին, այժմ տեսնենք, թե ինչպես է նա պատկերացնում երկնային մարմիններն ու նրանց օրինաչափությունները:

Տիեզերքի գեոցենտրիկ ուսմունքը ընդունողները զժվարանում էին բացատրել երկնային մարմինների (որոնք նույնպես կազմված են չորս տարրերից) շարժումը և հատկապես օրվա ու գիշերվա հաջորդականությունը, չորս եղանակների առաջացումը և նման այլ երևույթներ: Դրությունից ելք գտնելու համար Շիրակացին անտիկ մտածողներից շատերի նման պնդում էր, որ երկինքը նույնպես շարժուն է: Հայկական եկեղեցին այդպիսի տեսակետը հակակրոնական էր համարում: «Իմաստասերք, — ասում է եկեղեցու հայրերից

¹ Շիրակացի, Մատենադարան, էջ 338:

² Սաղմոս, ԺԺ, 4, Պողոսի թուղթ առ Հռոմայեցիս, Ժ, 19, Թուղթ առ Կոզոսացիս, ԼԼ, 23:

³ Եզնիկ, Եղծ աղանդոց, 3-րդ մաս, Լ, էջ 140:

⁴ Շիրակացի, Տիեզերադիտութիւն, էջ 13:

մեկը,—ասեն թէ շարժին (երկինք) և զմի ցայդ և զցերեկ նոյն տեղի գան, բայց (սուրբ) գիրք ոչ ինչ այնպիսի մեկ կարծիս տան, այլ հաստատութիւն կոչեն զերկինս, և որ ինչ հաստատեալ կայցէ, յայտ է թէ անշարժ է՝¹ նույն միտքն է արտահայտում նաև ինչիկը՝² Ի հակադրութիւն եկեղեցու այս տեսակետին, Շիրակացու պատկերացմամբ երկինքը շարժվում է արևելքից-արևմուտք, իսկ երկնային մարմինները, բացառությամբ անշարժ աստղերի, շարժվում են երկնքի հակառակ ընթացքով։ Երկինքը անհամեմատ ավելի արագ շարժվելով, երկնային մարմիններին տանում է իր ուղղությամբ, այնպես, որ «մեք տեսանեմք զլուսաւորսդ երևալ յարևելից և եկեալ մինչև յարևմուտս»³։ Այս տեսութիւնը հասկանալի դարձնելու համար Շիրակացին առաջարկում է պատկերացնել իրենից արագ պտտվող երկանքի քարի վրա քայլող մի մրջյուն։ Նա շիկարող գնալ երկանքի մի կողմով, և ոչ էլ քայլել նրա ուղղությամբ, քանի որ այդ զեպքում նա դուրս կգլորվի։ Նա ունի մի բնական հնարավորութիւն՝ ընթանալ երկանքի քարի շարժման հակառակ ուղղությամբ, վերջինս անհամեմատ ավելի արագ պտտվելով, մրջյունին տանում է իր ուղղությամբ, չխանգարելով նրա սեփական շարժմանը։ Այսպես են պտտվում նաև երկնային մարմինները, որոնք երկնքի հետ ընթանալուց բացի, կատարում են նաև իրենց սեփական շարժումը «Ոչ հոլովելով, այլ պտտաբար շուրջ գլով որպես գանգոյ զպտույտ հարել ի տապեղ»⁴։ Այսպիսով, Շիրակացին պաշտպանում է երկնային մարմինների էպիցիկլային շարժման թեորիան, որը մեր թվարկութիւնից առաջ երկրորդ դարում մշակվել էր Ապոլոն Պերկացու և ապա զարգացվել Հիպարքոսի և Պտղոմեոսի կողմից։ Այդ ուսմունքը մի փորձ էր երկնային մարմինների շարժումները բնական օրենքներով բացատրելու ուղղությամբ և ավելի ռացիոնալ էր, քան երկնային մարմինների շարժման կինեմատիկական տեսակետը, որը զարգացվել էր Արիստոտելի և Իվոքսի կողմից։ Հիշատակութեան արժանի է այն հանգամանքը, որ Նզնիկը ամբողջությամբ շարադրելով Շիրակացու կողմից ընդունված վերոհիշյալ դրույթը, նույնիսկ բերելով մրջյունի օրինակը, հերքում է այն որպես հակաքրիստոնեական ուսմունք⁵։

Երկնային մարմինների շարժման այս տեսութեան հիման վրա Շիրակացին բացատրում է գիշերվա և տարվա եղանակների առաջացումը։ Գիշերը հետևանք է այն բանի, որ արևը երկնքի ուղղությամբ տարվելով, երևում է մերթ աչտուր և մերթ այնտեղ, որի հետևանքով երկրի տվյալ մասի ստվերը ընկնելով հակառակ կողմի վրա, այդ մասում առաջացնում է լույսի բացակայութիւն, այսինքն՝ գիշեր։ Նրա համար ցերեկվա ստվերի և գիշերվա միջև սկզբունքային տարբերութիւն չկա։ «Քանզի ստուերս զոր տեսանեմք ի տուէ՝ նա խաւարն գիշերոյ ի փոփոխելոյ ճառագայթից արեգական. զի յորժամ յարևելից երևեսցի լոյսն՝ ստուերս յարևմուտս կոյս ձգի»⁶։ Այսպիսով, երկնքի հետ շարժվելով արևը արևելքից արևմուտք 24 ժամվա ընթացքում կատարում է մի պտույտ։

¹ Եղիշեի վարդապետի հարցմունք, էջ 37։

² Եղնիկ, Եղծ աղանդոց, 2-րդ մաս, Գ, ԻԵ, էջ 129։

³ Շիրակացի, Տիեզերագիտութիւն, էջ 48։

⁴ Նույն տեղում, էջ 50։

⁵ Եղնիկ, Եղծ աղանդոց, 2-րդ մաս, ԻԵ և ԻԸ։

⁶ Շիրակացի, Տիեզերագիտութիւն, էջ 54։

Արևի՝ երկրի շուրջը կատարած սևփական շարժման հետևանքն է տարվա շորս եղանակների առաջացումը: Երբ արևը գտնվում է հարավային կիսագնդում, ասում է Շիրակացին, այն ժամանակ հյուսիսային երկրներում երկարում են սովերները, կարճանում ցերեկները ու փչում են ցուրտ քամիներ, այսինքն՝ լինում է ձմեռ: Երբ արևը սկսում է գեղի հյուսիս բարձրանալ և հասնում է «ի հասարակած երկնից», օրերն ու գիշերները Հայաստանում հավասարվում են և բացվում է գարունը: Ինչքան արևը հյուսիս է բարձրանում, այնքան բսովերները Հայաստանում կարճանում են, ցերեկները երկարում, եղանակները տաքանում են և գալիս է ամառը, իսկ երբ արևը նորից հյուսիսից գեղի հարավային կիսագնդին է իջնում, վրա է հասնում աշունը՝ Այսպես, աշխարհի շուրջը պտտվելով, արևը առաջացնում է տարին, որը բոլոր Շիրակացու, բազկացած է 365 օրից ու 5 ժամից:

Միջնադարում վեճի առարկա էր նաև լուսատուների լույսի աղբյուրի հարցը: Հայկական բնափիլիսոփայության մեջ նշանակալից և ուրիշները ելնելով Մենդոց գրքի արարչագործության սխեմայից, պաշտպանում էին այն տեսակետը, որ արևն ու լուսինը յուրովի երկնային ամաններ են, որոնց մեջ աստված լույս է գրել և հետևաբար նրանք ունեն իրենց սևփական լույսը²: Նշանակալից³ ու հորեկացի⁴ համաձայնվում էին անտիկ այն մտածողների հետ, որոնք պնդում էին, թե լուսատուները սևփական լույս չունեն, և ստանում են այն արժույթ: Հերքելով առաջին տեսակետը, Շիրակացին պնդում է, որ ոչ մի լուսատու իր սևփական լույսը չունի և որ լույսի վերջնական աղբյուրը արժին է, որը, ինչպես տեսանք, նա համարում է ի սկզբանե, ոչ ոքից սկիզբ չառած և անվերջ: Արժու լույսը անցնելով ցրտարնակ գոտու միջով, կորցնում է տոնորոգ հատկությունը և մեղմանալով հասնում է արևին, որը որպես բյուրեղ, այն անդրադարձնում է հաջորդ գոտիներին, և այդպիսով լույսը հասնում է երկրին⁵: Իսկ լուսինը իր լույսը անմիջապես արժույթ չի ստանում, այլ արևի միջնորդությամբ: Լուսնի մակերեսին գտնվող անհարթություններն ու փոսերը արեղակից ստացված լույսը չեն կարողանում արտացոլել և «սև նշան կերևի ի լուսին իբր գիծը իմն գրոշմի»⁶: Ուրեմն Շիրակացին ոչ միայն հասկանում է, որ լուսինը իր լույսը ստանում է ձրեկից, այլ նա ծանոթ է նաև օպտիկայի որոշ օրենքների, գիտի, որ հարթ մակերեսը լույսը արտացոլում է, իսկ անհարթը՝ կլանում:

Լույսի արտացոլման օրենքների հիման վրա է բացատրվում նաև լուսնի ֆազերի (գեմֆերի) առաջացումն ու փոփոխությունը: Ինչպես արդեն նշեցինք, բոլոր Շիրակացու արևը գտնվում է հինգերորդ երկնային գոտում, իսկ լուսինը չորրորդում: Արևի լույսը լուսնին հասնում է վերեկից, բայց քանի որ երկու լուսավորներն էլ տարբեր արագություններով պտտվում են երկրի շուրջը, ապա նրանց գիրքը անընդհատ փոխվում է, օրի պատճառով փոփոխվում է նաև լուսնի վրա արևի ճառագայթների հղման մակերեսը: Երբ նրանք իրար մոտ են լինում, լուսնի փոքր մասն է լույս ստանում ու արտացոլում, իսկ երբ իրարից հեռանում են, մեծանում է լուսնի ցածում լուսավորվող մակերեսը և այդ-

¹ Շիրակացի, Տիեզերագիտություն, էջ 51:

² Սղեկի, Եղծ աղանդոց, 3-րդ մաս, Ա:

³ Լ. Պաշկյան, Նշանակալից «Արարածույ մեկնություն», էջ 171—172:

⁴ Պրեկացի, Հայոց աստվածություն, էջ 238:

⁵ Շիրակացի, Մատենագրություն, էջ 312, 326, Տիեզերագիտություն, էջ 30—31:

⁶ Շիրակացի, Տիեզերագիտություն, էջ 40:

պիսով աստիճանաբար նա ավելի լրիվ է երևում՝ լուսնի դեմքերի այսպիսի բնական փոփոխությունը, ըստ Շիրակացու, անդրադառնում է երկրային որոշ բնական երևույթների վարդապետական վրա՝ նրա լուսին չկա, նկատում է Շիրակացին, այն ժամանակ ծովերի, օվկիանոսների ջրերը անփոփոխ են, լուսինը մեծանալիս բարձրանում են նրանց ջրերը, իսկ փոքրանալիս՝ պակասում, հընում են նաև ծովերի ու օվկիանոսների ջրերը։ Շիրակացին մակընթացության և տեղատվության պատճառը փնտրում է ոչ թե ինչ-որ արտակարգ գերբնական ուժի մեջ, այլ բնության իրերի և երևույթների բնական փոխհարաբերության մեջ։ Նա ճիշտ է նկատում նաև այն, որ լուսինը ազդում է բուսական և կենդանական աշխարհի վրա¹։

Հետաքրքիր է նաև Շիրակացու տեսակետը լուսնի և մթնոլորտի փոխհարաբերության մասին։ Եզնիկի նման լուսնը համարելով մարմնական, մթնոլորտը սահմանում է որպես լուսնի բացակայություն։ Ապացուցելու համար իր տեսակետը նա անմիջական փորձից բերում է այսպիսի օրինակ. եթե ցերեկ ժամանակ սենյակի պատուհաններին քաշենք հաստ վարագույրներ, ապա սենյակը կմթնի, իսկ եթե վարագույրները վերցնենք, նա նորից կլուսավորվի։ Այստեղից Շիրակացին եզրակացնում է, որ խավարը լուսնի բացակայությունն է²։ Այս ճիշտ դրույթից նա հանգում է այն եզրակացության, որ խավարումն էլ բնական երևույթ է և պետք է հետևանք լինի լուսնի բացակայության, և որ մի բան պետք է արգելք հանդիսանա լուսնի ներթափանցմանն ու տարածմանը։ Երկնային մարմինների պտույտի ընթացքում, — ասում է Շիրակացին, — պատահում է այնպես, որ արեգակը ընկնում է հյուսիսային կիսագնդի, իսկ լուսինը՝ հարավային և այդ երկուսի միջև գտնվում է երկիրը։ Երկիրը այդպիսով թույլ չի տալիս, որ արևի լուսնը հասնի լուսնին, որի հետևանքով տեղի են ունենում լուսնի խավարումները։ Լինում է նաև այնպես, որ լուսինը ընկնում է աշխարհի և արեգակի միջև։ Այդ ժամանակ արեգակի ճառագայթները ընկնում են միայն լուսնի հակառակ կողմերի վրա, իսկ ներքևը մնում է մթնոլորտի մեջ, այսինքն արեգակի լուսնը չի հասնում երկիր և տեղի է ունենում արևի խավարում³։ Շիրակացին մաթեմատիկական և աստղաբաշխական հաշիվների հիման վրա կատարում է նաև հետագա խավարումների կանխագուշակումներ⁴։

Արևի խավարման ուսումնասիրությունից Շիրակացին հանգում է այն ճիշտ եզրակացության, որ արեգակը ավելի մեծ է, քան լուսինը։ Երբ արևը խավարում է, ճիշտ կերպով նկատում է Շիրակացին, «Լուսն արեգական սակավիկ իրեն ժապավէն երևի շուրջ զրոյոր խաւարան... քանզի (լուսին) փոքր է քան զնա և ոչ է բաւական գամենայն զանիւն (արեգական) ծածկել»⁵։ Որպես արևի մեծության ապացույց նա նշում է նաև նրա լուսնի ուժեղությունը։ Շիրակացին նկատում է, որ արեգակը մեծ է երկրից ու լուսնից, բայց փոքր է երևում մարդկանց իր հեռավորության պատճառով⁶։ Ըստ նրա հաշիվումների արևը

¹ Շիրակացի, Տիեզերագիտություն, էջ 44—45։

² Նույն տեղում, էջ 43։

³ Նույն տեղում, էջ 54։

⁴ Նույն տեղում, էջ 58—59։

⁵ Շիրակացի, Մատենագրություն, էջ 336։

⁶ Շիրակացի, Տիեզերագիտություն, էջ 58։

⁷ Նույն տեղում, էջ 57։

⁸ Նույն տեղում, էջ 55—56։

աշխարհից մոտ 42 անգամ ավելի հեռու է, քան լուսինը¹։ Ինչպես տեսնում ենք, Շիրակացու այս բոլոր տեսակետներն էլ հիմնված են անմիջական դիտողության վրա և այդ պատճառով էլ մոտ են իրականության։

Անմիջական դիտողության վրա են հիմնված նաև Շիրակացու՝ օգերևութաբանական երևույթների բացատրությունները։ Այս հարցում նա կանգնած է էպիկուրյանների տեսակետի վրա։ «Էպիկուրը ողջունում է Պիֆոլիին» թղթում և Շիրակացու օգերևութաբանական աշխատություններում կան նույնիսկ բառացի նմանություններ²։ Էպիկուրը նման նա էլ գտնում է, որ անձրևը, կարկուտը, ձյունը, որոտը, ինչ-որ սարսափելի և արտասովոր երևույթներ չեն. դրանք բոլորն էլ տեղի են ունենում «բնական բերմամբ» և ունեն նույն բնությունը³, բոլորն էլ հետևանք են արևի ազդեցությանը՝ երկրից շոգիացած ջրի ու վեր բարձրացած ամպերի այս կամ այն փոփոխության⁴։ Շիրակացին քաջ ծանոթ է ջրի տարրեր որակներին (հեղուկ, շոգի, սառույց) և հենվելով այդ որակների առաջացման պրոցեսների և յուրաքանչյուր որակի յուրահատկությունների վրա, բացատրում է օգերևութաբանական երևույթների էությունը։

Ջերմության ազդեցության տակ մաքուր ջուրը շոգիանում է⁵։ Շոգին անտեսանելի է և թեթև, այն բարձրանում է երկինք և դառնում է ամպ, որը այնտեղ տարրեր ցրտություն ունեցող քամիների ազդեցությամբ մասնատվում է, կտոր-կտոր խտանում ու թափվում երկիր։ Ուժեղ քամու ղեպքում առաջացնում է ուժեղ խտացում և ամպերը վերածվում են ձյունի կամ կարկուտի, իսկ թույլ քամին առաջ է բերում անձրև⁶։ Այսպիսով, Շիրակացուն հայտնի է, որ սասնեցման որոշ աստիճանում մասնիկները ոչ թե միաձուլվում են, այլ կազմում առանձին-առանձին բյուրեղներ։

Որոտն ու փայլակը ըստ նրա հետևանք են ամպերի ուժեղ ընդհարման, և նրանց առաջացումը պայմանավորված է ամպերի հագեցվածությամբ։ Իսկ բանի որ ձմռանը շոգիացում քիչ է լինում, ամպերը ստերջ են, և որոտ ու կայծակ տեղի չեն ունենում⁷։ Շիրակացին համոզված է, որ ամպերի բախումը միաժամանակ է առաջացնում որոտն ու կայծակը, բայց «մեք յառաջ հուրն տեսանեմք և ապա զորոտն լսեմք»⁸։ Բայց նա ձայնի ուղևորության շուտ ընկալումը վերագրում է ոչ թե նրանց հատկություններին, այլ համապատասխան զգայարանների յուրահատկությանը։ «Մեզ հուրն առաջոյ երևի,— ասում է նա,— քանզի ակն երազ է քան զուրն և ակն փոյթ կարէ տեսանել ի հեռին զհուրն յորժամ յանպոյն ելանէ. իսկ ձայնն ունին ոչ կարէ լսել ի հեռին մինչև ոչ ի մոտ հասանի (ձայն)»⁹։ Այս հայացքը շատ ավելի առաջադիմական ու գիտական էր, քան Շիրակացու ժամանակ տիրող այսպես ասված «տեսողութեան ճառագայթների» տեսությունը, ըստ որի տեսողությունը օժտված է հատուկ ճառագայթով, որը բխում է աչքից։ Իր ժամանակին Արիստոտելը քննադատել էր այդ տեսակետը։ Իսկ Շիրակացին, ինչպես տեսանք, չի ընդունում այն։

¹ Շիրակացի, Մատենագրութիւն, էջ 356։

² «Материалисты древней Греции», Москва, 1955, էջ 197—208։

³ Շիրակացի, Տիեզերագիտութիւն, էջ 31—32։

⁴ Շիրակացի, Մատենագրութիւն, էջ 319։

⁵ Շիրակացի, Տիեզերագիտութիւն, էջ 17—19։

⁶ Նույն տեղում, էջ 32—33 և Մատենագրութիւն, էջ 319—320։

⁷ Շիրակացի, Տիեզերագիտութիւն, էջ 33—34 և Մատենագրութիւն, էջ 319—320։

⁸ Շիրակացի, Տիեզերագիտութիւն, էջ 36։

⁹ Նույն տեղում, էջ 36—37։

* * *

Այսպիսով, Շիրակացին հանդիսացել է մի փիլիսոփա-բնախույզ, որը բնությունը դիտել է որպես մի միասնական ամբողջություն և դեռևս բնության իրերն ու երևույթները չսահմանազատած ու վերլուծած, փորձել է իր անմիջական դիտողությունների և հայրենական ու անտիկ գիտության տվյալների հիման վրա բացատրել տիեզերքի կառուցվածքը, շարժումը և բնության զարգացման ընդհանուր օրինաչափությունները։ Այս ընթացքում նա երևույթների դեռևս իրեն անհայտ կապերը փոխարինել է ֆանտաստիկ կապերով և պակասող իրական փաստերը լրացրել երևակայությամբ։ Այս պրոցեսում նա արտահայտել է առաջավոր ու գիտական արժեք ներկայացնող շատ մտքեր և կոահել է հետագա որոշ հայտնագործություններ։ սակայն թույլ է տվել նաև ոչ քիչ սխալներ և անհիմն ենթադրություններ։ Որպես միջնադարյան մտածող նա զգալի տուրք է տվել նաև իր ժամանակի գաղափարախոսությանը, բայց կուրորեն չի ենթարկվել եկեղեցու դոգմաներին և որոշ հարցերում դուրս է եկել եկեղեցական իդեոլոգիայի շրջանակներից։

НАТУРФИЛОСОФСКИЕ ВЗГЛЯДЫ АНАНИЯ ШИРАКАЦИ

Г. Т. ХРЛОПЯН

(Р е з ю м е)

Выдающийся армянский философ-естествоиспытатель VII века Анания Ширакаци, развивая натурфилософские идеи своих предшественников и обогащая их собственными исследованиями, а также достижениями античной науки, впервые в Армении создал натурфилософскую систему. Ширакаци утверждал, что мир имеет нематериальное начало — причину причин, первый двигатель, т. е. бога, который, сотворив материальные элементы: огонь, воду, землю, воздух, в основном уже не вмешивается в «естественный ход развития». Эти элементы имеют как сотворенные, так и приобретенные качества. Решающим фактором в строении космоса выступает весовая качественность элементов. Самый тяжелый элемент — земля — находится в центре вселенной, далее идут воздух, вода и огонь. В процессе возникновения и развития многообразия природы решающее значение приобретают такие качества, как теплота, холод, влажность или сухость. При этом особое место занимает огонь. У Ширакаци схема строения космоса — аристотелево-птоломеевская, но своеобразен принцип деления сфер. Ширакаци различает две формы движения: механическую форму и развитие как единство разрушения и созидания. По его понятиям, наша планета возникла из мельчайших частиц элементов земли, смешанной с влажностью. Под давлением окружающего воздуха эта смесь постепенно сгущалась и приобретала шарообразную форму, на поверхности которой, под влиянием сжатия, образовались моря и океаны. Земля сохраняет свое статичное положение по

двум причинам: во-первых, благодаря быстрому вращению неба и, во-вторых, вследствие равновесия сил вихря и тяжести земли. Впервые в истории армянской натурфилософии утверждая теорию шарообразности Земли, Ширакаци признает существование антиподов и делает догадку о наличии суши за Атлантическим и Тихим океанами.

По Ширакаци, небесные светила также состоят из четырех элементов. Не имея собственного света, они получают его от Солнца. В свою очередь Солнце поглощает свет из эфира. Черные пятна на Луне объясняются шероховатостью ее поверхности, а затмения — соотношением Солнца, Земли и Луны. Разные фазы Луны зависят от положения ее к Солнцу. Движение же небесных тел эпициклично.

В понимании метеорологических явлений Ширакаци склонялся к эпикурейской точке зрения.